

醫方類聚卷之七十六

咽喉門

四

外科集驗方

所深出而痛者不封所痛處

化毒托裏散治咽喉風熱上攻急閉腮頰腫

痛并雙蛾單蛾結喉重舌木舌並皆治之

利即解愈

山玄參 木通 生 淡竹葉 去梔子

生地黄 燈草

煎右咬咀每服水煎溫服食末百草露研

灌嗽急解用水清油調皂角末百草霜吞下亦可矣

山豆根湯治咽喉腫閉疼痛灌嗽去痰噙之
燕下即愈

山豆根解毒靈消根生肌梔子苦淡竹葉一艾

葉一燈草

右改咀喫酒者用酒煎不飲酒水煎亦可
有孕婦人不可服諸喉生瘡者好了喫此
藥五六服絕根好矣

吹喉祛風散治咽喉中生瘡腫痛纏喉風閉
單蛾雙蛾結喉急喉風飛絲入喉重舌木舌
等證

膽凡

鴨背

腦子

一字

碧雪

白姜蠶

沙

苦

丁香

即甜瓜蒂

燈草

米糊

不退

加雄黃

猪牙皂

去皮

焰硝

蘆藜

去皮

總為細末每用少許吹入喉中未成者連
散已成者即被立愈重者吹入鼻中如痰
多急解用生艾尾葉米醋同搗取汁噙之

嚙漱去痰立愈矣

又方用臘月猪膽明凡爲末入在膽內風中吹乾取凡礪末吹之立效 每年發者可灸火不發

治牙關緊閉者九龍川名金釵草單枝上爲妙用根土皮打碎用絲子裹之縛在筋頭上以去五六次牙關上牙關卽開 以喉中五六次痰涎卽出後用大炙塩爲木絲子帶塩去閤之卽愈進食 後有返復生

姜槌碎用皂角炙過炙塩爲末用絲子裹姜帶塩皂角末去潤五六次卽愈矣

治纏喉閉急證米醋生姜槌灌喉瘡卽破爲妙

鼓槌草 土牛膝 加烏藥爲妙

以二味生槌碎取汁醋灌下重則灌鼻中吐痰卽愈乾者爲末米醋煎至亦可矣

如聖散 玉機微義名一字散 治急時氣纏喉風漸入咽

塞水穀不下牙關緊不省人事

雄黃 藜蘆生 白凡 牙皂去皮加錫蛸

七枚○微義各等分

總為細末每服壹字吹入鼻中吐出頑痰愈矣○微義右為末每用壹豆大鼻內噉之立効

又方用白藥山豆根同煎噙之嚙嗽去痰後
嚙下一二口

新效方

治喉痺江子七粒皂角二挺針穿於油內焯

過燒七次為末水調漱三五次嚙下重者
針刺之

治骨髀楮實為末霜梅肉和丸如彈子含化

又方馬屎字為末和沙糖丸如彈子噙化

急救仙方

纏喉風閉腫痛手足厥冷即時氣閉不通用

衛生易簡方 皂角壹皮百草霜壹錢同研

治雙乳蛾 為末冷水調加清油數點灌之

治咽喉用川升麻壹兩仲煎水一碗口含壹時許却吞下三服愈

又方白凡枯訖置地上少時出火毒以口噙化妙

治纏喉風肥皂角壹條去子細剉用清水壹大盞浸研絞取濃汁入生麻一呷筋攪勻頓服以鵝毛頻攪咽中吐涎為度然後用解散風毒藥治之

又方白藥磨醋噙吐出毒涎妙

骨鯁乳香二錢研細水調吞數口

一方沙糖噙化細細咽之其鯁自下衛生易簡方同

誤吞馬蝗蜞致腹痛者用田泥為元以水吞

下其虫必隨土瀉出也壽域神方衛生易簡方同

玉機微義

喉痺

吹點藥

濟生二聖散方見本方白礬散方見是齋醫方

楊氏一字散方見外科集驗方

三因玉鑰匙方見解毒雄黃丸方見和

丹溪方用射干汁和逆流水吐之用桐油

以鵝翎蘸探吐之川燈火油脚吐之

治熱之劑

局方龍腦雞蘇丸治上焦熱咽腫嗑痛積熱方見

門

澹寮牛蒡子散方見嚴氏濟生方

拔萃桔梗湯治熱腫喉痺

桔梗 甘草 連翹 梔子 薄荷 黃

岑

右為咬阻入竹葉煎

百壹選方治咽喉腫閉方見衛生十全方

治火之劑

局方碧雪 涼膈散方並見火門絳雪見下

御藥院麝香朱砂丸方見龍麝聚聖丹方見御藥

院方

治風之劑

局方如聖勝金錠子方見本事方利膈湯方見

醫方大成

仲景半夏湯治傷寒寒熱相搏咽痛或聲不出者

半夏 桂枝 甘草炙等分

右咬咀每七八錢或半兩水煎放冷細細嚥之

按本論咽中傷生瘡不能言聲不出者少陰証用苦酒湯或桔梗等方皆可選用

三因蜜附子方見千金方

治痰之劑

王隱君礞石滾痰丸治痰熱咽隘腫痛不利桔梗半夏湯治痰氣不降咽腫欲成喉痺者

方並見咳嗽門

三因玉粉丸方見衛生寶鑑

臞仙活人心

咽喉

玉關金鑰匙治纏喉風咽喉堵塞水漿不下

尖草烏二錢 淮烏參錢 川芎四錢 麝香神方二錢

錢二

右爲末每服用錢壹字多冷水壹點調吞
下忌熱湯壹時

運化玄樞

五月五日採桑上木耳白如魚鱗者遇患喉
痺時搗碎絲裹如彈丸蜜浸含之便瘥
一法其日午時於韭畦內面東不語取蚯蚓
糞晒乾收之或爲魚刺所鯁以少許擦咽
外刺卽消丹家謂之六乙泥是也

其日採映日果卽無花果能治咽喉
壽域神方

咽喉部

治咽喉諸證用好雄黃不拘多少枯礬朴硝
各等分爲末塩霜梅肉同研如芡實大每
服壹丸噙化妙
咽喉閉塞用塩梅肉并硼砂同研爛噙化○
衛生易簡方用塩梅肉壹箇鵬砂少許研
勻捻如棗大放銀中噙化

一方用大黃壹兩殭蠶半兩微炒碾爲末蜜丸如彈子大口噙化妙

一方用鵝頂草花白芷根上皮花椒樹根皮洗淨陰乾爲末將瘡口刺破用蘆管吹瘡口上卽効

一方用新燒結實城磚壹个洗淨燒紅將皮硝五斤都著熱磚上食盡次將磚浸於糞坑著底壹百日取出用水洗淨五七遍搥乾用帛包再著兩磚支起放在床下候三

四日硝鹵走出用鴨翎掃下放入磁罐內不要見風每服壹錢若重毒若服二錢并花水調空心服

喉痺牙關緊強不開用青魚膽壹箇取汁滴鼻中須臾吐痰卽愈不吐再滴神妙

一方用皂角草烏俱燒存性爲末入射香少許擦牙關用些小搐鼻中其口自開

急喉痺遂不救用朴消壹兩徐徐含嚙其

汁立痊

衛生易簡方同

一方用海螵蛸銀硃各等分研勻吹入喉嚨
咽喉腫痛用射干壹片含嚙汁下妙

風熱閉塞咽喉遍身浮腫以牛旁子壹合半
生半熟搗爲末熱酒調下壹錢妙

喉閉重舌真銅青不以多少用好米醋浸搗
爛以雞毛蘸入喉中涎出卽愈

咽痛風痰壅塞氣不得出入喉內痰響欲死
者用蘭草白根壹大握洗淨米醋半盞研
爛絞汁灌下吐去風痰卽瘥

喉痺不能言語氣不得出命在須臾用膽礬
壹豆許爲末鵝翎傳入喉內卽愈如無膽
礬急拔去頂心髮妙

骨鯁部

治諸骨鯁用不蛀皂角壹片搥碎作四截銚
內炒令焦黑酸米醋壹盞澆之用碗覆壹
茶久取出放溫漱嚙下
一方白金鳳花子水岸边淘出柳根赤鬚研
爛水下

易簡
方同

一法用鴨肫衣火炙乾為末些小麴糊為丸
水吞下即愈

一方玄參濃磨酒服之

治魚骨鯁用鷓鴣骨為末湯調服之衛生易簡方同
得吞其嚙最効

悞吞諸物部

治悞吞錢用慈菰搗半爛吞之移時其錢即
化一用濃煎艾汁亦可冬葵根煮汁亦可

衛生易簡方

咽喉

治咽喉卒腫飲食不通用黃蘗末醋調傅腫

上乾即易

治喉中腫痛并膈上痰熱用鵬砂含化嚙津

又方用馬勃蜜揉拌以少水調呷

又方用筆頭燒灰漿飲調方寸匕服

治纏喉風氣不通用蛇蛻炙黃當歸等分為

末温酒調一錢匕服得吐愈

治卒喉痺用黃蘗片含之

又方用黃蘗一斤剉細酒一斗煮三沸去滓
恣飲便愈

治喉痺腫用荔枝花并根水煎去滓含細細
嚥之

治喉痺卒不語用羊蹄獨根者勿見風日婦
人雞犬以陳醋研和生布拭喉令赤傅之
治纏喉風喉閉飲食不通欲死者用紫苑根
一莖淨洗內入喉中待取惡涎出卽差神

驗更以馬牙硝津嚥之

治喉痺痰唾咳嗽用杏仁去皮尖令赤和桂
末研如泥絲裹如指大含之嚥津或用酥
炙熬如膏服

治喉閉用益母草不拘多少搗爛以新汲水
一椀絞汁飲隨吐愈冬用根

又方用牛膝根一莖搗取自然汁以箬葉爲
筒令患者仰卧灌鼻內須臾覆過吐出膿
血卽愈

治鎖喉風用皂角壹枚去皮絃兩頭切碎分
作二分用水半椀以木槌順攪去滓用香
油少許攪勻以剪搗開口灌之却用雞翎
口內探涎出愈

治咽喉腫痛用九仙子新汲水磨汁飲少許
醋磨亦好

又方用朱砂根水磨或醋少許飲即愈已上
二種皆生於深山九仙子膏根則連綴九
枚大者如雞彈小者如指頭朱砂根苗高

尺許葉似冬青冬夏長茂葉背甚赤根大
如筋亦赤

治咽喉乾痛用桔梗一寸含之嚥津

治喉痺用馬牙硝含之嚥津

又方用升麻五分蠶食壹合水壹升煎三合
入少蜜攪勻細細咽之大驗

治喉痺閉喉單雙乳蛾緊者川白殭蠶天南
星去皮等分生為末每服一字生姜汁調
下若牙關緊灌之以涎出後用大姜壹塊

略炙含之小可患傳於喉上自消散

治咽喉胃內有瘡久不差用生羊肝三五兩
頓服若淡可用醋和食之

又方用角蒿燒灰爲末塗口中瘡上有津卽
吞之

又方用薔薇根細剉水煎濃汁去滓入少蜜
再熬稠塗口內瘡上嚙津

治喉閉纏喉風用大青葉搗汁灌之亦治時
氣傷寒頭身強腰脊疼

治咽喉壅閉發聲不出用千年潤晒乾爲末
每服壹錢濃煎薄荷湯調服

治咽喉痛發聲不出用五倍子苗晒乾爲末
入百藥煎冷水丸如彈子大每服壹丸噙

化
治雙乳蛾用牛膝山豆根水研汁吹鼻中及

用酒調服

又方用雄黃麝香各五錢巴豆去殼油半錢
玄明粉三錢爲末麵糊丸如菉豆大每服

五七丸冷茶吞下

誤吞物

治誤吞錢金銀釵環用鵝羽數枚燒爲末米
飲調服

又方用石灰一杏核大硫黃一皂莢子大同
研爲末酒調下

骨鯁

治一切骨鯁用乳香二錢研細水調徐嚥下
又方用雞蘇朴硝等分丸如彈子大仰臥嚥

化三五丸卽愈

又方用生艾蒿數升水酒共壹斗煮取四升
稍稍飲之

治鯁噎用諸魚燒灰調服

治魚骨鯁用魚尾草壹名醉魚兒草擣汁和
冷水嗽仍嚥下些小自然骨化爲水池沼
邊不可種恐傷魚

治魚骨在腹中刺痛用茱萸壹合水煮汁壹
盞服之若骨在肉中不出嚼茱萸封之骨

當爛出

金匱鉤玄

喉痺大槩多是痰熱 痰多以桐油吐之

射干逆流水吐 遠志為細末醋調口噙

漱吐涎最妙 又用李實根壹片噙口內

更用李實根研水付項上一遭立効須用

新採園中者

纏喉風屬痰熱 用桐油以鵝翎探吐 又

法用燈油却吐之 遠志去心為末水調

付項上一遭立効

咽喉生瘡并痛多屬虛 血熱遊行無制客

於咽喉用人參蜜炙黃柏 荆芥 虛人

參竹瀝 熱真連荆芥薄荷硝石蜜姜同

調噙 血虛四物湯加竹瀝

備預百要方

喉痺及纏喉風方

喉閉飲食不通欲死方反魂根壹莖一名紫花淨

洗入喉中惡涎出即立差

又蠶花末溫水服方寸匕以痢爲度

又以新馬矢汁瀝喉中

又木樨子服之

馬喉痺方馬藺花根煮汁含嚙

又養兒尿席燒灰二分葦精二分燒灰耳聾

若干小麥若干搗若干和勻以竹管吹入

喉中

又桂心二分杏仁壹兩爲末絲裏含之

又白礬含嚙汁勿吞吐之爲末吹入喉中亦

可

又巴豆壹枚去皮心絲裏塞鼻

又牛角灰末洒下方寸匕

又燒蛇蛻皮乳下壹錢

又芋莠子六兩甘草二兩荆芥子壹兩爲末

壹錢水壹盞煎至六分溫服

理喉痺五言炭火燒桃核仍須不斷烟一錢

溫酒下莫抱萬金傳但能開口下雖死卽

還生

骨鯁方

又以所食之物骨燒冷水點服

又陳橘皮沙糖同煎熟服

又魚網浸汁常吞之

咽喉鍼灸

千金方

治喉腫脅脇支滿方灸尺澤百壯

瓊碎錄

治喉閉男左女右肘尖上灸三壯或割關見

血而灸之尤妙

得效方

第一穴風府穴治咽喉諸證及毒氣歸心等

項惡證並皆治之無有不效針入四分穴

高主暈恐傷人不可不知須令人扶護乃

針

第二穴少商穴針入二分病甚則入五分咽

喉諸證皆治

第三穴合谷穴穴法口授治牙關不開則陽

靈穴應針各刺一刺出血入二分關竅卽
開又有一證潮熱者有作寒者於合谷穴
用針左轉發寒右轉發熱
第四穴上星穴治頰腫及纏喉風等證又氣
急者實熱針足三里虛熱灸足三里
根脚咽喉常發者耳垂珠下半寸近腮骨灸
七壯二七尤妙及灸足三里穴

澹寮方

鍼灸喉閉及纏喉風隨腫一邊於大指外邊

指甲下與根齊針之不問男左女右祇用
人家常使針血出卽効如大段急危兩大
指都針或祇灸足三里穴二七三七壯鄭
主簿嘗患喉閉水亦嚙不下灸三里卽安
百一
選方

神巧萬全方

天牖 前谷主喉痺頸腫不可俛仰頸腫引
耳後

鬲俞主喉痺哽噎咽腫不得息食飲不下

凡喉痺脅中暴逆先取衝脉後取三里雲門
谷瀉之又刺手小指端出血立已中衝在
中指端少衝在小指端

喉咽導引

巢氏病源

喉痺候

養生方導引法云兩手拓兩頰手不動摟肘
使急腰內亦然住定放兩肋頭向外肘膊
腰氣散盡勢大悶始起來去七通去喉痺

又云一手長舒合掌仰一手捉頰挽之向外
壹時極勢二七左右亦然手不動兩向側
勢急挽之二七去頸骨急強頭風腦旋喉
痺膊內冷注偏風

轉口舌門附肩

論

千金方

代刺頭病

升麻煎 薔薇圓 甘草圓

類聚 卷之六

二十一

卷之六

二十一

舌病

升麻煎

唇病

潤脾膏

甲煎唇脂

甲煎口脂

鍊臘合甲煎法

千金翼方

千金月令

海上仙方

口瘡癩

口瘡

聖惠方

治口舌生瘡諸方

玄參散

升麻洩熱散

升麻散

龍腦

煎止痛散

黃蘗煎

鉛霜散

山李

子煎丸

石膽丸

黃蘗丸

杏人丸

石膽丸

麝香丸

含化丸

杏人丸

治口瘡久不差諸方

口舌門

一

附唇

目錄

論

千金方

口病

升麻煎

薔薇圓

甘草圓

舌病

升麻煎

唇病

潤脾膏

甲煎唇脂

鍊臘合甲煎法

千金翼方

千金月令

海上仙方

口瘡發

口瘡

聖惠方

治口舌生瘡諸方

玄參散

升麻洩熱散

升麻散

龍膽

煎止痛散

黃蘗煎

鉛霜散

李子

煎丸

石膽丸

黃蘗丸

杏人丸

石

膽丸

麝香丸

含化丸

杏人丸

治口瘡久不差諸方

升麻散

薔薇根散

牛蒡子散

硫黃

效驗
十七

煎 蝦蟆散 白礬散 浮萍煎膏 盧

會散 含化丸 石膽膏 含化雌黃丸

石膽散 乳香含化丸 石膽丸 五靈

脂含化丸

治重舌諸方

牛黃散 半夏酒

治木舌諸方

大黃散 玄參散 馬牙消丸 射干散

治舌腫強諸方

牛黃散 柴胡散

治口舌乾燥諸方

杏人散 蘇蘇根散 牛黃丸 甘露丸

甘草丸 生薑煎丸 含化丸

治口吻瘡諸方

杏人散 黃連散

治唇瘡諸方

治緊唇瘡諸方

硫黃膏 胡粉膏

治唇生腫核諸方

獨活散 升麻散 松脂膏

治唇口面皴諸方

生地黄煎

大余本草

三因方

唇病證治

清脾湯 羌活散 菊花圓 青灰散

口病證治

竜石散 赴筵散 綠雲膏 兼金散

杏粉膏 生香膏

舌病證候

升麻柴胡湯 金沸草散 薄荷蜜 文

蛤散

衛生十全方

神巧萬全方

助道方

是齋醫方

正舌散

瑣碎錄

口瘡方

舌衄方

簡易方

綠雲散 清脾湯

口舌門 二

直指方

唇舌證治

升麻散 五福化毒丹 生地黃膏 萍

草圓 洗心散 四順清涼飲 甘露飲

牛黃涼膈丸 黃連阿膠丸 鵬砂圓

雞蘇圓 蠟苓圓

朱氏集驗方

口

遠志散

嚴氏濟生方

口

升麻散 碧雪 芎芷膏

唇

瀉黃飲子 薏苡仁湯 橄欖散

舌

玄參升麻湯 小續命湯

嚴氏濟生續方

赴筵散 丁香圓 百草霜散 必勝散

如神散

蘭室秘藏

得效方

口病

洗心散 四順清涼飲 甘露飲 雞蘇

圓 黃連阿膠圓 秘傳降氣湯 換金

散 益智散

唇病

白灰散

舌病

金沸草散 五福化毒丹

金澹軒方

舌脹

舌衄

舌生白胎

口氣

舌瘡

口瘡

御藥院方

犀角升麻湯

烏犀湯

黑參丸

柳花

散 如神散

衛生寶鑑

口糜論并治法方

胡黃連散

綠袍散

多效散

紅芍藥

散

澹寮方

唇口附舌

二聖散

水槩圓

居家必用

赴筵散

拔粹方

口糜

必效散 赴筵散

瑞竹堂方

王氏集驗方

醫方大成

口舌

吹喉散 消毒散

南北經驗方

永類鈴方

雜病舌

經驗秘方

甘露飲子 黃連湯 導赤散 如聖散

貼臍散

經驗良方

舌

口牙

分類七十一
二十九

天竺散 涼膈散

施圓端效方

口瘡

朱粉散 蛾黃散 陀僧散 赴筵散

吳氏集驗方

杏仁舖

事林廣記

山居四要

新效方

急救仙方

外科精義

玉芝飲子 犀角散

壽域神方

舌部

口齒部

衛生易簡方

口吻

口氣

類聚七十一

二十九

舌頰

金匱鈎玄

備預百要方

口脣諸病方

重舌木舌方

餘藥無名者散見本方

禁忌

鍼灸

導引

口舌門 一附脣

巢方病源 唇口病諸候

兔缺候

人有生而唇缺似兔唇故謂之兔缺世云由
婦人妊娠時見兔及食兔肉使然

審吃候

人之五藏六府稟四時五行之氣陰陽相扶
剛柔相生若陰陽和平血氣調適則言語無
滯吐納應機若陰陽之氣不和府藏之氣不

足而生寒吃此則稟性有闕非針藥所療治也若府藏虛損經絡受邪亦令語言蹇吃所以然者心氣通於舌脾氣通於口脾脉連舌本邪乘其藏而搏於氣發言氣動邪隨氣而干之邪氣與正氣相交搏於口舌之間脉則否澀氣則壅滯亦令言蹇吃此則可治

懸癰候

懸癰為音聲之關也喉嚨氣之所上下五藏六府有伏熱上衝於喉咽熱氣乘於懸癰或

長或腫

咽喉垂倒候

喉嚨者氣之所上下也五藏六府呼吸之道路府藏有風邪熱氣上衝咽喉則腫垂故謂之垂倒

失欠領車蹉候

腎主欠陰陽之氣相引則欠諸陽之筋脉有循領車者欠則動於筋脉筋脉挾有風邪邪因欠發其急疾故令失欠領車蹉也

數欠候

腎主欠而腎爲陰也陽氣主上陰氣主下其陰積於下者而陽未盡陽引而上陰引而下陰陽相引二氣交爭而挾有風者欠則風動風動與氣相擊故欠數

失枕候

失枕頭項有風在於筋脉間因卧而氣血虛者值風發動故失枕

千金方

舌論

凡舌者心主小腸之候也舌重十兩長七寸廣二寸半善用機衡能調五味也凡有所啖若多食鹹則舌脉凝而變色多食苦則舌皮槁而外毛焦枯多食辛則舌筋急而爪枯乾多食酸則舌肉肥而脣揭多食甘則舌根痛而外髮落又曰心欲苦肺欲辛肝欲酸脾欲甘腎欲鹹此五味內合五臟之氣也若臟熱則舌生瘡脣揭赤若腑寒則舌本縮口噤

唇青寒宜補之熱宜瀉之不寒不熱依臟腑

調之舌縮口噤唇青升麻煎主之後方見

神巧萬全方曰

口舌方論

夫脾氣通於口心氣通於舌二藏有熱則口

舌生病或瘡或腫其最急者重舌木舌亦

唇齒方論

唇者脾之候齒者骨之餘而腎者又屬於腎

脾若不和則病見於唇腎不安則疾生於齒

各有根源尋而療之萬不失一

斷病提綱

唇證詞

唇是脾官意舍榮燥乾熱裂有風暍血枯無

色寒應揭氣鬱生瘡外在唇

口證詞

口號都門內應脾主嗜五味胃藏之精華津

液由分布脾臟安和穀味知五臟偏勝五味

溢應在都門君可測熱苦寒鹹宿食酸疽甘

虛淡煩燥澁勞鬱炁臭不堪聞凝滯生瘡妨
飲食方書所載粲然明諸證不同宜細覓

舌證詞

舌是心官色象之主嗜五味以資脾分行津
液於諸臟榮養其身槩可知脾之絡脉係舌
傍舌本應知却屬肝卷縮卒然言語蹇三經
內中濕風寒喜怒憂思情內鬱舌腫滿入不
得息脾氣閉滯白胎生破裂有瘡心熱寔肝
家熱壅血如泉舌衄病源人少識

直指方

唇舌論

心之所司者舌脾之所司者唇口是雖各有
司存然心之氣未嘗不通於脾脾之氣未嘗
不通於心也夫舌者心之官嘗五味之秀以
榮養一身資脾胃之藏以分布水穀故心之
本脉系於舌根脾之絡脉系於舌傍或風寒
暑濕之所中傷則舌縮捲而不能言或憂怒
思恐之所鬱閉則舌腫滿而不得息心熱則

破裂生瘡脾閉則白胎如雪舌之爲病合心脾而主治之故曰心之氣未嘗不通於脾者此也口者一身吐納之都門百物榮養之要道節宣少舛病必生焉故熱則苦寒則鹹宿食則酸煩燥則澁虛則淡疸則甘臟氣偏勝則其味必偏應於口鹹酸甘苦非舌味之而誰歟若夫上池津液出於舌端心實主之也津液流布非胃而何故曰脾之氣未嘗不通於心者此也或問口臭一證可得聞乎曰臟

腑異氣燥腐不同是氣蘊積胃膈之間挾熱而衝發於口人將掩鼻而過之信夫醫不難於處方惟難於識證受病源流懵不及究律以古方嘗試一中不幾費人乎此辯之不可不早

嚴氏濟生方

口論治

夫口者是太陰之經脾之所主五味之所入也蓋五味入口藏於脾胃爲之運化津液以

養五氣五氣者五臟之氣也節宣微爽五臟之氣偏勝由是諸疾生焉且鹹則爲寒酸則停滯澁則因燥淡則由虛熱則從苦從甘也口臭者乃腑臟燥腐之不同蘊積於胃膈之間而生熱衝發於口也口瘡者脾氣凝滯風熱加之而然醫療之法各隨其所因以治無過與不及爾

唇論治

唇者脾之所主胃者脾之所合其經起於鼻

環於唇其支脉絡於脾胃受邪則唇爲之病蓋風勝則動寒勝則揭燥勝則乾熱勝則裂氣鬱則生瘡血少則瀦而無色治之之法內則當理其脾外則當敷以藥無不効者矣
舌論治

經云心氣通乎舌舌和則知五味矣蓋舌者脾脉之所通心氣之所主和則知味資於脾而榮於身者也二臟不和風寒中之則舌強而不能言壅熱攻之則舌腫而不得語更有

重舌木舌舌胎出血等證皆由心脾虛風熱所乘而然耳

嚴氏濟生續方

口齒評治

夫口者脾之候齒者骨之餘髓之所養也人之壹身此爲大要凡有病起因口而成含惡氣以嚙津溢痰癖而在膈心胃壅滯毒氣攻蒸薰之既久故齒爲之病焉其諸風寒蘊熱而得之者已載于前書矣茲不復敘有方未

增屢用有效證錄于後

舌評治

舌者心之所候脾氣之所通攝養違理二藏不和風熱內蘊舌爲之病焉遂致舌腫重舌木舌舌胎舌衄舌瘡等證更有傷寒舌出過寸此毒熱攻心也治療之法輕者清之重者瀉之前方亦已備載矣但舌瘡一證不特因實熱所致亦有虛熱上攻而然者却又不可例用涼劑也貴手鎮墜寧心而已局方所載

黑錫養正二丹並以冷塩水送下參丹蜜砂
並以參沉湯送下用之多效醫療之方增載
于后

管見大全良方

口舌生瘡證治

口舌生瘡者心經有熱也與碧雪龍腦飲甘
露飲無憂散鵬砂圓腦麝三黃圓甚者洗心
散

治病百法

口瘡

夫大人小兒口瘡唇緊用酸漿水洗去白痂
臨臥點綠袍散如或不愈貼赴筵散又不愈
貼鈿白霜散則愈矣

十形三療 火形

舌腫

南隣朱老翁年六十餘歲身熱數日不已舌
根腫起和舌尖亦腫腫至滿口比元舌大二
倍一外科以燔鍼刺其舌兩旁下廉泉穴病

勢轉洶將至顛，巖戴人曰：血實者宜決之，以
銚鍼磨令鋒極尖，輕砭之，日砭八九次，血出
約一二盞如此者，三次漸而血少，痛減腫消。
夫舌者心之外候也，心主血，故血出則愈。又
曰：諸痛痒瘡瘍皆屬心火，燔鍼艾火是何義
也。

口瘡

一男子病口瘡數年，上至口中，至咽隘，下至
胃脘，皆痛，不敢食，熱物壹涌，壹泄，壹汗，一去

其九次，服黃連解毒湯，不十餘日皆釋。

澹察方

唇口 附舌

夫口爲身之門，舌爲心之官，主嘗五味，以布
五臟焉。心之別脈係于舌根，脾之絡脈係于
舌傍，肝脈絡于舌本，三經爲四氣所中，則舌
卷不能言，七情所鬱，則舌腫不能語。至如心
熱則舌破生瘡，肝壅則出血如湧，脾閉則白
胎如雪，此舌之爲病也。口則又稍不然，蓋熱

則口苦寒則口鹹虛則口淡疽則口甘宿食則酸煩燥則澁乃口之津液通乎五臟臟氣偏勝則味應乎口或勞鬱則口臭凝滯則生瘡生瘡者夜不可失睡晝不可就寢違此必甚唇乃全屬於脾唇有病則多宜隨證以治脚也

永類鈴方

雜病口

局方吹喉散

碧雪

御院消毒散

口舌 壅熱 生瘡 咽喉 腫痛

柳枝散 蜜陀僧壹味亦妙 三因龍

石散 濟生瀉黃飲子 澹寮赴筵散

冰蘖元 蘊毒三因兼金散 濟生片

麻散 虛壅本事烏星末貼手足心

三因菊花元 簡易砂仁燒灰為末又

賓郎燒灰加輕粉糝瘡 杏仁膩粉細

嚼出涎又朴消乙錢寒水石煨壹兩朱

砂小許作末傳患處 脾經毒口角生

瘡八正散 消毒散 又白凡末黃蘖

二味皆可含之

肺氣

濟生丁香元 三國綠雲膏 聖惠升

熱鬱

麻散 升麻乙兩 細辛 藁本 防

口臭

風 川芎 白芷 當歸 甘草 香

凝滯

需各半兩煎水熱含冷吐 又丁香白

則生

凡香附為末先以鹽揩齒後用末附之

瘡

蜜齒 稭梗 薏苡仁為生末點服小

兒亦可用 白芷 川芎 末蜜圓食

後噙花生銀杏食後嚼一二箇

酒毒食柑子而差即柚也口噙鷄舌香

即沉香花以沉香可代 口中如膠而

臭 知母 地骨皮 桑白皮 山梔

麥門冬 甘草 搥湯噙早起汲井水

第一汲水即黃華水含之吐棄廁下即

差 服丹石毒 薄荷黃芩 半芒消 錢

蜜調噙或傅之 五靈脂 乙杏人 四粒

去黃丹 兩半炒為末蜜調塗涎出愈 東

引柳枝心 甘松 或加丁香木香為

末可服可噉 心氣不足口臭益智仁
加甘草小許爲末乾嚙或湯點

雜病舌

舌主嘗五味以榮養於身資於脾以分布
津液於五藏故心之本脉係於舌根脾之
絡脉係於舌旁肝脉循陰器絡於舌本心
脾虛風熱乘之則爲病

脉病證

治

風寒濕所中心脾寒強不能言小續命湯

卷縮不能言

挾熱升麻湯加桔梗嗽之
白龍元末碧雪傳之

七情所鬱舌腫
滿不得息

本事烏星姜末貼手足心

心熱破裂生
重舌心脾
壅熱

三黃元真蒲黃糝之三因龍
石散三黃湯末水調貼脚心
升麻湯加桔梗玄參黃芩又
白凡大黃朴消擦嗽又醋調
五苓之末

肝壅舌硬腫出血如湧烏賊骨真蒲黃塗之服散肝

雜病唇

脉病證

治

意思過度蘊熱

橄欖燒灰末猪脂調塗又硫

於唇瀹裂無色唇燥

黃白凡灰朱砂水銀射香黃

口乾生瘡久年不愈

栢為末和水銀磁器中臈月

猪脂和如泥光淨拭唇却以

羔塗之又八月藍葉絞汁洗

風濕入脚唇

意以仁炒防已赤小豆炒甘

頭動翳揭結核浮腫

草炙等分姜煎聖惠獨活散加白歛黃芪枳殼

小兒吻邊生賓郎為末或砂仁殼燒灰付

瘡浸淫或入之先用生薄荷汁洗拭之蜜

口中陀僧末醋調塗是心瘥即洗

去口瘡臭爛黃柏青代爲末付之

經驗秘方

唇論

唇者脾之候意舍之所榮燥則乾熱則裂風則動寒則揭氣鬱則生瘡血枯則瀋而無色證雖不同皆主於脾世言妊娠食兔肉者子缺唇然謂唇似兔可也謂食兔能缺唇則不可蓋脾氣不足凡屬於脾者皆有所傷使妊

婦氣素厚雖多食兔肉何傷於子之唇耶是故隨證療病合先內調其脾而後外傅以藥此必然之效也

口論

口者一身之都門出人榮養之要道節宣微爽病則隨之故熱生苦寒生鹹虛生淡疸生甘宿食致酸煩致澁五味入口藏於脾胃集其精華散爲津液分布於五臟臟氣偏勝味必偏應於口勞鬱則臭凝滯則瘡至如嬰孩

鵝口由胎內受熱撮口由胞中挾風治之之法各隨其證

舌論

舌主於心而資於脾當嗜五味以津潤五臟而榮養百體故心之脉係于舌根脾之脉絡于舌傍肝之脉循陰器而貫于舌本凡此三經或爲風寒濕所中令人舌卷紅而不能言或爲憂怒思所鬱令人舌腫滿而不得息心熱則脾裂生瘡肝壅則血出如湧白胎如雪

者脾閉使之也弄舌者肝木之病木性好動也嚼舌者肺金之邪金性好剛也津液竭燥則舌爲之焦乾血氣壅塞則舌爲之強腫至於嬰兒有重舌木舌則皆基於心脾之積熱方見于后寒本作澁千金方

口病

凡患口瘡及齒禁油麵酒醬酸酢鹹膩乾棗瘡後仍須慎之若不久慎尋手再發發卽難

燒薔薇根角藁為口瘡之神藥人不知之

治口中面上息肉轉大方以刀決潰去膿血

即愈千金翼方同

治口中瘡久不瘥入胷中並生瘡三年已上

不瘥者方神功萬全方治口瘡連年不瘥濃煎薔薇根

汁含之千金月令同神巧又稍稍咽之日

三夜一冬用根夏用莖葉○聖惠方治口

舌瘡赤爛薔薇根悉兩法右細剉以水壹

大盞煎至五分去滓温含冷吐日三五度

効是齋醫方治口瘡野薔薇根洗淨濃煎

瞻軒方生候冷嗽灌吐出不須嚥瓊碎錄同數

次即愈衛生易簡方治口瘡用薔薇根避

風打去土煮濃汁温含冷則易

又方角蒿灰傅之一宿知二宿瘥有汁吐之

不得咽也○聖惠方治口生瘡久不差至

咽喉胷中者衛生易簡方角蒿散方角蒿

燒灰每取少許傅於瘡上有汁嚥之不過

一宿差

治口瘡不歇方

牛膝 生薑荷根各參兩 黃蘗一兩

右三味咬咀以繇裏酒三升漬一宿微火

煎壹兩沸細細含之

升麻煎治膀胱熱不已口舌生瘡咽腫方

升麻 玄參 薔薇根白皮 射干各四兩

大青 黃蘗各參兩 蜜七合

右七味咬咀以水七升煮取一升五合去

滓下蜜更煎兩沸細細含咽之

治口數生瘡連年不瘥方

薔薇根 黃芩 當歸 桔梗 黃耆

白歛 大黃 鼠李根皮 芍藥 續斷

黃蘗 葛根各一兩

右十二味為末以酒服方寸匕日二亦可

漿水服之神功萬全方同

治胃中客熱唇口乾燥生瘡方

茯苓 黃芩 甘草 大黃 薔薇根各

十枳實 杏仁 黃連各一兩 桂心半兩 栝萋

根十八銖

右十味為末食前漿水服方寸七日二

治口熱生瘡方衛生寶鑑黃連升

升麻參十銖○寶黃連十八銖古今錄驗

半錢一兩半

右二味為末繇裏含咽汁亦可去之○直

指方口瘡方黃連升麻右二件為末以薄

繇包含燕蘆會末傅

治口瘡方聖惠方治口瘡及胃中皆生瘡薔薇根散方

黃蘗二兩升麻參兩○聖生地黃五兩○聖

地薔薇根皮四兩

右四味咬咀以水七升煮取三升去滓含

之瘥止含極吐却更含○右件藥擣篩為

散每服五錢以水一中盞煎至五分去滓

温温含嚥

治口中瘡爛痛不得食方

甘草一寸黃連六銖杏人二十枚

右三味為末合和繇裏杏人大含之勿咽

日三夜壹○聖惠方治久口中瘡爛痛喫
 食不得含杏人丸方杏人去皮尖湯浸日
 草一分黃連一分右件藥搗細羅為散每
 取如杏人大縣裏含之有涎即吐之日三
 服夜壹服以差為度

薔薇圓治口中瘡身體有熱氣痲癩方

薔薇根 黃芩 鼠李根 當歸 葛根
 白歛 黃蘗 石龍芮翼作黃連芍藥 續斷
 黃耆各一兩 栝藹根二兩

右十二味為末蜜和丸如梧子服十九日
 三千金翼有黃連壹兩

治口吻瘡方以楸白皮及濕帟之聖惠方用楸樹白皮
 濕搗貼三四度差

又方取經年葵根欲腐者彌佳燒作灰及熱
 傅之聖惠方同

又方以新炊飴了醃及熱以唇口向甌唇上
 敷之二七下三兩上瘥止千金翼方同

又方梔子 甘草各十銖 細辛叁十銖 桂心十二銖

芎藭一兩

右五味為末蜜丸食後服七丸日再服瘥止

又方芎藭 白芷 橘皮 桂心 棗肉各一兩

半兩

右五味為末蜜和為丸食後服十五丸又含之以瘥為度此方甚驗

治口肥瘡方熬竈上飯令焦末傅之

治驚吻瘡方白楊枯枝鐵上燒取瀝及熱傅

之○衛生易簡方治吻瘡用白楊樹枝火燒一頭焰出注於刀上取瀝貼兩吻上不過三度便差

又方以木履尾內煨灰中令熟取挂兩吻各二七遍

治口傍惡瘡方聖惠方名黃連散

亂髮灰 故絮灰 黃連末聖惠方大鬚 乾姜

末

右四味等分合和為散以粉瘡上不過三

遍千金翼方同

治口中瘡咽喉塞不利口燥膏方

猪膏

白蜜

各一斤 黃連一斤

右三味合煎去滓攪令相得含如半棗大

日四五夜二千金翼方同

治熱病口爛咽喉生瘡水漿不得入膏方

當歸 射干

升麻

各一斤 附子半兩 金翼方炮

去皮 白蜜四兩

右五味咬咀以猪脂四兩先煎令成膏下

著地勿令大熱內諸藥微火煎令附子色
黃藥成絞去滓內蜜復上火壹兩沸令相
得置器中令凝取如杏人大含之日四五
遍輒咽之

治失欠頰車蹉開張不合方一人以手指牽
其頰以漸推之則復入矣推當疾出其指
恐誤嚙傷人指也

治失欠頰車蹉方消蠟和水傅之

治卒口噤不開方以附子搗末內管中強開

口吹口中千金翼方同

甘草圓治口中熱乾方

甘草 人參 半夏 生薑 烏梅肉各一

半兩棗膏二兩

右六味為末蜜丸如彈子大旋含咽日三

治口乾方羊脂若猪脂鷄子大擘之內半升

酢中漬一宿絞取汁含之千金翼方同

治口乾除熱下氣方

石膏五合碎二升

右二味以水三升煮石膏取二升內蜜煮取二升去滓含如棗核大咽汁盡更含之千金翼方同

治虛勞口乾方

麥門冬二兩末 大棗參十枚肉

右二味以蜜壹升和令熟五升米下蒸之任性服

又方羊脂如雞子大醇酒半升棗七枚擘合漬七日取棗食之立愈千金翼方同

又方酸棗升一酸石榴子 烏梅各五合 栝蒌實

葛根 甘草各二兩 麥門冬四兩 覆盆子各三合

右八味為末以蜜丸含如棗大以潤為度

舌病

升麻煎舌主心藏熱即應舌生瘡裂破引唇
揭赤服之洩熱方

蜀升麻 射干各三兩 栢葉切一升二兩 苦

竹葉切 地黃汁各五合 生玄參汁各三合 赤蜜八合

生蘆根 薔薇根白皮各五兩

右十味咬咀以水四升煮取壹升去滓下

玄參汁令兩沸次下地黃汁兩沸次下蜜

煎取壹升七合絲惹取汁安舌上含細細

咽之

治舌上瘡不得食舌本強頸兩邊痛此是心
虛熱所致

柴胡 升麻 芍藥 梔子人 通草各二兩

黃芩 大青 杏人各一兩半 生薑 石膏

各四兩

右十味咬阻以水壹斗九升煮取三升半
分四服日三夜壹滓可重煎服之

治舌卒腫滿口溢如吹猪胞氣息不得通

須臾不治殺人方急以指刮破舌兩邊去

汁即愈亦可以鉞刀決兩邊破之千金翼方同

以瘡膏傅之神巧萬全方同

又方刺舌下兩邊大脉血出勿使刺著舌下

中央脉血出不止殺人如上治不愈或血

出數升則燒鐵篋令赤熨瘡數過以絕血

也神巧萬全方同

又方半夏十二枚千金翼方十一枚洗熟以酢一升

煮取八合稍稍含嗽之吐出千金翼方半

熟洗去滑盡用之勿咽汁也加生薑一兩佳

治舌腫起如猪胞方三因方得效方黑散釜

下墨末以酢厚傅舌上下脫去更傅須臾

即消山居四要壽域神方衛生易簡方若

先決出血汁竟傅之彌佳吳氏集驗方同

云一法用凡此患人皆不識或錯治益困

殺人甚急但看其舌下自有噤蟲形狀或如螻蛄或如臥蠶子細看之有頭尾其頭少白燒鐵釘烙頭上使熟即自消聖惠方全方嚴氏濟生方類錄方同○經驗秘方黑散子治舌卒腫起如吹胞滿口塞喉以指刮破兩邊皮或刀決破去血用釜下墨煤和鹽等分以醋調塗舌上瑣碎錄和鹽塗舌脫去更傳簡竒經驗良方治舌卒腫起如吹泡或如猪脬形滿塞喉便以指割破兩舌邊或

破血出尤好次用釜下墨烟和鹽塗舌上下酒調米醋調皆安備預百要方舌忽然腫如猪胞狀滿口不理須臾即死方煤焙和鹽少許細研塗上下煤焙一本和醋治舌腫強滿口方滿口含糖酢少許時熱通即止

治舌脹滿口不得語方

鹽一升麝蟲叁十枚

右二味以水三升煮三沸含之稍稍咽之

日三○聖惠方麝蟲湯麝蟲七枚鹽一兩

右件藥以水壹大盞同煎五七沸熱含冷

吐勿嚙日三五上差

治舌強不得語方聖惠方名白礬散衛生

礬石聖惠方桂心

右二味等分為末安舌下十全方塗立瘥

○三因方礬石散治風濕寒舌強不能語

枯礬桂心各等右為末每壹錢安舌下或

用正舌散方見諸治之得效

舌上黑有數孔大如箸出血如湧泉此心藏
病治之方

戎塩 黃芩一作黃蘗 犬黃各五 人參

桂心 甘草各二兩○千金翼

右七味末蜜丸梧子大以飲服十九日三

亦燒鐵烙之○神巧萬全方治舌根上有

四三孔大如簪者血出如湧泉此心病戎

塩黃蘗葵子已上各 人參各 桂心 犬黃 甘

草各 右件擣羅為末鍊蜜和丸如小豆

大飲服三九日至加至十五九

治舌上出血如泉方燒鐵篋熟爍孔中良

唇病

潤脾膏治脾熱唇焦枯無潤方

生天門冬切生地黄汁升生麥門冬 萎

蕤各四兩猪膏升細辛 甘草 芎藭 白

朮各二兩黃耆 升麻各參兩

右十一味咬咀諸藥苦酒淹壹宿絲裏藥
臨煎下生地黄汁與猪膏共煎取膏鳴水

氣盡去滓取細細令之

甲煎唇脂治唇裂口臭方先以麻擣泥泥兩

口好堯餅容壹斗已上各厚半寸曝令乾

甘松香兩艾納香 苜蓿香 茅香各一兩

藿香參兩零陵香四兩

右六味先以酒壹升水五升相和作湯洗

香令淨切碎又以酒水各壹升浸一宿明

旦取壹斗五升烏麻油六味內其中微火

煎三上三下去滓內上件壹口餅中令少

許不滿然後取

上色沉香

參

雀頭香

蘇合香

各參

白膠

香

白檀

各五

丁香

麝香

甲香

各一

右八味先酒水相和作湯洗香令淨各各別搗碎不用絕細以蜜三升酒壹升和香內上件藥餅中令實滿以絲裹餅口又以竹篾交橫約之勿令香出先掘地埋上件油餅令口與地平以香瓶合覆油餅上令兩口相當以麻擣泥泥兩餅口際令牢密

可厚半寸許用糠壅瓶上厚五寸燒之火欲盡即加糠三日三夜勿令火絕計糠十二石訖停三日令冷出之別鍊蠟八斤煮數沸內紫草十二兩煎數十沸取壹莖紫草向爪甲上研看紫草骨白出之又以絲濾過與前煎相和令調乃內朱砂粉六兩攪令相得少冷未凝之間傾置竹筒中筒上用紙裹麻繩之待凝冷解開任意用之計此可得五十挺

甲煎口脂治唇白無血色及口臭方
燒香澤法

沉香 甲香 丁香 麝香 檀香

蘇合香 薰陸香 零陵香 白膠香

藿香 甘松香 澤蘭

右十二味各六兩胡麻油五升先煎油令
熟乃下白膠香藿香甘松澤蘭少時下火
絲濾內麝餅中餘八種香擣作末以蜜和
勿過濕內著一小麝餅中令滿以絲幕口

竹十字絡之以小餅覆大餅上兩口相合
密泥泥之乃掘地埋油餅令口與地平乃
聚乾牛糞燒之一方用糠七日七夜不須
急滿十二日火尤佳待冷出之即成其餅
並須熟泥勻厚一寸曝乾乃可用

鍊蠟合甲煎法

蠟 紫草 各二兩

右先鍊蠟令消乃內紫草煮少時候看以
紫草向指甲上研之紫草心白即出之下

蠟勿令凝卽傾弱一合甲煎於蠟中均攪之訖灌筒中勿觸動候冷凝乃取之便成好口脂也傅口面日三

治緊唇方

得效方白灰散治口緊唇小不能開合飲食不潤不急治則死此亦

音病以此方治之得效纏白布作大燈炷名曰緊唇又名瀋唇

如指安斧刃上燃炷令刃汗出拭取傅唇

上日二三度或故青布亦佳并治瀋唇

又方自死螻蛄灰

聖惠方傅之

又方炙松脂帖上取瘡

聖惠方神巧

又方取蛇皮拭淨燒爲灰傅之

得效

又方以火炙蠟帖唇取瘡○聖惠方用黃蠟

貼之一宿差

又方水服鱗鱒灰良

又方青布灰以酒服之脂

得效方

和塗亦可

○聖惠方用故青布燒灰細研每服水調

壹錢服之

治瀋唇方

聖惠方

以乾鱗鱒燒末和猪脂臨

臥傅之

得效

又方聖惠方燒鼈甲及頭令煙盡為末傅之

日三度聖惠方三五上差

治唇生瘡方以頭垢傅之日三度

方以胡粉傅之聖惠方細研傅之

治唇邊生瘡連年不瘥方以八月藍葉十斤

絞取汁洗不過三日瘥聖惠方壽域神方衛生易簡方同

○備預百要方藍汁頻洗之

治唇舌忽生瘡方燒雞屎白為末以布裹著病上舍之

治唇生核方猪屎平量一升投水絞取汁溫服之

治唇黑腫痛癢不可忍方取大錢四文於石上以臘月猪脂磨取汁塗之千金翼聖惠方不過數遍

即愈

又方以竹弓彈山惡血取瘥千金翼方同

又方燒亂髮及蜂房六畜毛作灰猪脂得效方無

猪和傅之亦治瀟唇○千金翼方治緊唇方以亂髮蜂房及六畜毛燒作末傅瘡上

猪脂和亦可聖惠方同

治冬月脣乾拆血出方擣桃人以猪脂和傅

之聖惠方同

治遠行脣口面皴裂方熟煎猪脂將行夜常

取傅面没行萬里野宿不損聖惠方同

千金翼方

凡口瘡忌食鹹膩及熱麵乾棗等宜純食甜

粥勿食搯菜三日卽差

治口臭方濃煮細辛含汁久乃吐却二日當

愈

又方井華水三升漱口吐廁中

又方橘皮五分木蘭皮一分桂心一分大棗四枚去核蒸

之去

右四味末之以棗肉丸如梧子服貳拾圓

日二服稍稍至叁十九一方有芎

又方桂心一分甘草一分炙等

右二味細末三指撮酒服二十日香

又方蜀椒汗桂心各一分

右二味服如前方

千金月令

主口瘡方右取苦酒含之

又瑣碎錄治口舌生瘡取朴消含之

又取白楊枝以漿水煎和塩含之備預百要方同

主口中毒方右切章陸根炙熟布裏熨上冷

即易之

主卒腫滿口方右以釜墨和酒塗之

又直以指橫決舌下兩邊皮破不得傷舌

海上仙方

口瘡發

口瘡舉發叫聲寃銅碌麝香一處研乾捻把來頻搽上不過時刻便安然

口瘡

滿口生瘡痛可憐急取乾薑共黃連口中細嚼流涎出便有人招可赴筵

聖惠方

治口舌生瘡諸方

夫手少陰心之經也心氣通於舌足太陰脾之經也脾氣通於口腑藏有熱乘於心脾氣衝於口與舌故令口舌生瘡也診其脉浮則為陽陽數者口生瘡也

治口舌生瘡連齒斷爛痛宜服玄參散方

玄參三分 川升麻三分 獨活三分 麥門冬三分 黃

芩三分 黃藥三分 川大黃三分 碎微炒 梔子人三分 前

胡蘆頭三分 去犀角屑三分 甘草三分 炙

右件藥搗篩為散每服五錢以水一大盞

煎至五分去滓不計時候溫服

治心脾藏熱應口舌生瘡破裂唇蹇赤色

升麻洩熱散方

川升麻半兩 射干半兩 黃藥二兩 大青一兩

甘草一兩 炙玄參二兩 黃芩一兩 犀角屑三分 黃

連一分 去一兩

右件藥搗籠羅為散每服四錢以水壹中

盞入苦竹葉三七片煎至五分去滓入地

黃汁壹合蜜半合攪令勻食後溫服

治口舌生瘡連頰腫痛升麻散方

川升麻兩半芎藭一分防風半兩去蘆頭兩雞腸草三分

大青一分甘草半兩炙微赤剉

右件藥搗細羅為散每用半錢於瘡上貼

之日可三五度差先於瘡腫處針出惡血

用塩湯燂後貼藥神效

治口舌生瘡宜用龍膽煎方

龍膽一兩去蘆頭兩黃連一分去鬚兩川升麻一兩槐白皮兩

一大青兩苦竹葉一握白蜜三兩

右件藥細剉以水二升煎至半升去滓入
蜜攪令勻更煎成膏用塗口瘡日三四度
差

又方青黛錢一細辛一分黃蘗剉一分地骨皮一分蜜

陀僧一分

右件藥搗細羅為散每取少許貼於瘡上

有涎即吐之

治口舌瘡止痛散方

鉛霜一分白礬一分燒一分黃蘗末一分麝香錢一

右件藥都研爲散每於有瘡處貼少許有
涎卽吐之日可三五度差

治口舌生瘡亦腫疼痛含黃蘗煎方

黃蘗

一兩烏豆一升

右件藥以水二升半煎至五合去滓入寒
食飴一兩蜜一兩龍腦少許更煎稀稠得
所不計時候常含嚙半匙

治口舌瘡鉛霜散

鉛霜

一分龜腦半錢滑石一分

右件藥細研爲散勿用少許貼於瘡上有
涎卽吐却神驗

治口中疔瘡神秘含山李子煎凡方

山李子根亦名牛李子

薔薇根野外者良

右二味各細剉五升以水五斗煎半日已
來取汁於銀器中盛以重湯煮如無銀器
銅器亦得看稀稠得所卽於瓷器內盛每
取少許含嚙之以差爲度

又方胡粉一兩牛黃一錢

右件藥相和安在銚子中於煖灰上研令勻細少少含之差

治口舌瘡宜含石膽丸方

石膽一分杏仁一分湯浸去皮尖膩粉一分

右件藥都細研為散鍊蜜和丸如雞頭實大絲裏壹丸含有涎即吐之

治口舌瘡腫痛不止黃蘗丸方

黃蘗末一兩蟾酥一分黃丹一分

右件藥都研為末端午日午時合用蒸餅和丸如菜豆大絲裏壹丸夜後含有涎即吐之

治口舌瘡杏仁丸方神功萬全方治口數生瘡連年不差

杏仁四枚湯浸去皮膩粉半錢

右件藥同研丸如皂莢子大絲裏壹丸含

嚥津

治口舌瘡腫石膽丸方

石膽錢一分黃蘗末一分蟾酥許少

右件藥同研令細以麪糊和丸如皂莢子
大每度取壹丸用水化破以篋子取少許
塗於瘡上日夜三兩度差

治口舌生瘡赤爛宜含化麝香丸方

麝香一分細研入杏仁三分湯浸去皮尖雙人川升麻三分
黃芩三分浮萍草一分零陵香三分甘草三分生用寒
水石一分黃連三分去鬚

右件藥擣羅為末鍊蜜和丸如彈子大每
取壹丸絲裏含化嚙津

治口舌瘡爛痛不差含化丸方

黃丹二兩一兩蜜一兩

右件藥相和以瓷盞內盛坐在水銚子內
慢火煮一炊久用絲濾過却入瓷盞內再
煮如麵糊藥成即丸如酸棗子大每取壹
丸絲裏含嚙津日三四度含之○施圓端
効方黃丹膏治口瘡黃丹四錢蜜一兩右熬成
膏塗口瘡

又方右取蟾酥濕和以絲惹日曬乾剪半寸

舍之有涎卽吐出或牙疼卽咬之立差

治口及舌上生瘡爛宜服此方

牛膝一兩

右細判以水一中盞酒半盞同煎至七分

去滓放溫時時呷服

又方斫桑樹取白汁塗之差

治口舌生瘡胃膈疼痛宜服此方右煇炒鼓

細研為末舍之一宿差衛生易簡方同

治口舌生瘡舍杏人丸方

杏人一兩易浸去皮膩粉一分浮萍草末一分

右作藥相和細研丸如櫻桃大每取壹丸

繇裏舍燕津

又方黃丹半兩舍上黑煤半兩研

右件藥入蜜調用瓷盞盛之以文火養候

成膏塗瘡上立效

又方膽子礬一分乾蟾一分

右件藥研為末每取小豆大溲在瘡上良

久用新汲水五升漱口水盡為度

又方黃芩分一五倍子分一蟾酥分半

右件藥搗羅爲末鍊蜜和丸如雞頭實大每取壹丸含吐津以差爲度

又方右取蝸牛去殼細研塗瘡上有涎卽吐之不過三兩上驗

又方右以黃蘗含之差衛生易簡方○瑣碎

錄大人小兒口瘡口疳黃蘗皮自然汁立

愈

又方右以白礬少許含之差

又方右以石膽少許含之差

治口瘡久不差諸方

夫口者脾脉之所通舌者心氣之所主若經絡否澁氣血壅滯則生於熱熱毒之氣在於藏腑搏於心脾蘊積日久不能消散上攻於口舌故生瘡久不差也

治心脾風熱積滯口舌生瘡齒斷內爛經久不差宜服升麻散方

川升麻半兩黃連半兩羚羊角屑半兩甘草一分

赤微玄參兩半 黃芩兩半 麥門冬兩半 知母一分

葛根兩半 川大黃兩半 碎微炒 牛蒡子一分 微炒 羌

活兩甘菊花兩半 防風兩半 去

右件藥搗篩為散每服三錢以水一中盞

煎至六分去滓不計時候溫服

治口數生瘡連年不差薔薇根散方

薔薇根一分 去泥土 黃芩一分 地骨皮一分 桔梗一分

去蘆白飲一分 川大黃一分 碎微炒 鼠李根一分 白皮一分

赤芍藥一分 續斷一分 黃蘗一分 黃耆一分

葛根一分 石龍芮一分 菰蘆根一分

右件藥搗細羅為散每服壹錢以米飲調

下日三四服

治口瘡久不差牛蒡子散方

牛蒡子一分 微炒 甘草一分 微赤到

右件藥搗篩為散每服三錢以水壹中盞

煎至六分去滓稍熱細細含嚥之

又方浮萍草一分 黃丹一分 麝香壹錢 細研

右件藥都研為末鍊蜜和丸如彈子大每

服含化壹丸

治口瘡久不差疼痛不可忍硫黃煎方

硫黃

壹分細研

麝香

壹分細研

雄黃

壹分細研

朱砂

壹分細研

乾薑

壹分搗羅為末

蜜

壹兩

右件藥都研令勻其蜜用水壹大盞以密絹濾過於湯椀內與諸藥相和入重湯內慢火煎如稀餈用瓷器盛之每至卧時以匙抄藥在口內微微嚥津差

治口舌久生瘡含藥取差蝦蟆散方

赤背蝦蟆

叁分塗酥炙微焦

地龍

叁分微炒

麝香

壹錢

右件藥都搗細羅為散每取少許含有津勿嚥之蝦蟆地竜端午日者良兼治疔瘡

治惡口瘡久不差白礬散方

白礬

壹分燒灰

黃藥末

壹分

膩粉

壹分

麝香

壹錢

右件藥都細研為散每取一字摻在瘡上以意加減用之

治口舌生瘡久不差浮萍煎膏方

浮萍草

壹兩

川升麻

壹兩

黃蘗

壹兩

甘草

壹兩半生用

右件藥細剉和勻以猪脂壹斤同於銀鍋
中以文火煎至半斤濾去滓膏成每服半
匙含化嚙津

治口舌上瘡久不差盧會散方

盧會叁分土搯綠叁分胡粉叁分真珠末半兩蝸牛

殼令黃波斯搯綠半兩青黛兩黃連半兩

麝香叁錢
細研

右件藥搯細羅爲散都研令勻先用甘草
湯漱口洗瘡以帛裏乾然後摻藥於上或

以蜜和丸如雞頭實大含之亦得有涎吐
之

治口瘡久不差宜用此方

牛膝叁兩生蘘荷根叁兩刺栢葉兩

右件藥細剉以絲裏用酒三升浸壹宿微

火煎三五沸溫含冷吐

又方石膽一分雄黃半分膩粉一分

右件藥都細研以蟾酥和丸如芥子大臨
卧時含壹丸吐津口中熱痛勿訝

治口瘡久不差及口舌腫痛含化丸方

白礬 黃丹 附子生末 舍上黑煤記分

右件藥同細研入白蜜拌和如煎川竹筒盛飯甑上蒸之飯熟為度每取櫻桃大含化立差若急要即於銚子中煎亦得脣腫者塗之亦效

又方杏人

牛兩湯浸去皮尖雙人生用 膩粉壹分 膽壹分

右件藥用蟾酥壹錢以湯浸潤和丸如棗豆大每度淨漱口了含壹丸吐涎即差

治久口瘡及肉疔瘡石膽膏方

石膽壹分 蜜兩 僧半兩 蜜兩

右件藥相和於銀器中慢火熬成膏每用少許塗瘡上噤津立效

治口瘡多痰涎久不差含化雌黃丸方

雌黃壹分 蟾酥半

右件藥相和以瓷器盛於飯甑內蒸一炊熟久候冷看得所丸如粟米大懸裏一丸含噤津

治口瘡經久腫痛赤爛不能下食石膽散方

石膽半分麝香半錢杏仁一分湯浸去皮膩粉一分

錢一

右件藥同研令勻每取少許摻於瘡上良

久吐出涎水差

治口瘡久不差乳香含化丸方

乳香 麝香 白膠香 黃丹 細辛

川升麻 垢膩頭髮 生乾地黃燒灰皂莢

燒雄黃 青塩已上各一分白蜜半兩蠟半兩

右件藥搗羅為末先以油三合入頭髮煎令化用絲濾過再煎油令熱下黃蠟次下諸藥末煎令稠可丸即丸如雞頭實大每服以絲裹一丸含化嚙津

又方蟾酥半分麝香半分

右件藥同細研為丸如粟米大用絲裹一丸含之有涎即吐却

治口瘡久不差石膽丸方

石膽一分乳香一分黃丹半分蜜隨僧分

右件藥細研羅為末鍊蜜和丸如酸棗大
每取壹丸絲裏含之

又方人中白半兩膩粉半兩

右件藥同研為末鍊蜜和丸如皂莢子大
每取壹丸絲裏含之有津即吐之

治積年口瘡五靈脂含化丸方

五靈脂一兩杏仁四十九枚湯浸黃丹半兩
去皮尖雙人炒令

紫色

右件藥搗細羅為散川生蜜調令得所每

取少許塗於瘡上有涎即吐之

治重舌諸方

夫舌者心之候也脾之脉起於足大指入連
於舌本心脾有熱即熱氣隨脉衝於舌本血
脉脹起變生如舌之狀在於舌本之下謂之
重舌也

治重舌口中涎出水漿不收牛黃散方

牛黃一分龍腦一分朱砂一分太陰玄精二分

右件藥同細研為散每度用藥半錢先於

重舌上以鉞針鉞破出血用塩湯漱只然
後摻藥於舌下嚥津神驗

又方用簸箕舌燒為灰細研以温酒調下一
錢

又方用伏龍肝研如粉以牛蒡汁調傅之效

備預百要方同

又用蛇蛻皮燒灰研令細以少許傅之效

百要方同

治重舌滿口半夏酒方右以半夏二十枚水

煮了炮及熟用好酒壹升浸密封頭良久
取酒乘熱含之冷即吐却又含熱者以差

為度神功萬全方同

治重舌口中涎出宜用此方右取蒲黃傅舌

上備預百要良方傳舌下 瑣碎錄 馮軒方急救仙方 壽域神方 衛生易簡方 同

○經驗秘方蒲黃散治嬰孩重舌以真蒲

黃末傅之不過三次簡同

又方右取田中蜂房燒灰細研以好酒和薄

傅喉下立愈

又方驢乳一升猪乳一升

右二味相和煎至半升不計時候服半匙

又方○神功萬金方右取赤小豆擣羅為末

以醋和塗舌上備頰百要方同

治木舌諸方

夫脾脉絡於舌舌者心之候若藏腑壅滯心

脾積熱邪熱之氣墮脉上衝於舌本則令舌

腫脹漸漸麤大若不早療滿塞口中故謂之

木舌小兒尤多斯疾也宜早療之

治心脾熱毒生木舌腫澁妨悶宜服大黃散方

川大黃一兩剉犀角屑參分射干參分川升麻

參分玄參參分大青參分絡石參分木通參分甘草

參分微赤剉

右件藥搗篩為散每服五錢以水一大盞

煎至五分去滓不計時候溫服

治心脾壅熱生木舌腫脹宜服玄參散方

玄參二分川升麻參分川大黃參分碎微炒甘草半兩

赤微犀角屑叁分

右件藥搗篩為散每服三錢以水壹中蒸

煎至五分去滓不計時候溫服衛生易簡方同

治木舌熱腫漸大滿口宜含馬牙消丸方

馬牙消叁分鉛霜半兩川大黃半兩碎微炒白

礬半分太陰玄精兩寒水石兩麝香半兩

甘草一分炙微赤剉

右件藥搗羅為末入研了藥令勻鍊蜜和

丸如小彈子大常含一丸嚥津

治熱毒攻心脾致生木舌腫痛兼咽喉不利

射干散方

射干叁分漏蘆叁分川升麻叁分當歸兩桂心兩

川大黃兩碎微炒木通叁分馬蘭子叁分微炒神

巧萬全方甘草叁分炙微赤剉

右件藥搗篩為散每服五錢以水壹大盞

煎至五分去滓不計時候溫服

又方犀角屑壹兩黃芩壹兩漏蘆壹兩川升麻

壹兩麥門冬壹兩去心羚羊角屑壹兩木通壹兩

右件藥擣篩為散每服五錢以小豈大煮

煎至五分去滓不計時候溫服

又方右用鯉魚薄起作片子神功萬全方作七子貼於

舌上數易之便消

又方右取始煤神功萬全方取突煤以醋調塗舌上備

百要當出涎沫又塗之以舌如故即止

治舌腫強諸方

夫手少陰為心之經也其氣通於舌足太陰脾之經也其氣通於口太陰之脉起於足大

指人連舌本心脾虛為風熱所乘即隨脉至舌熱氣留於心血氣壅滯故舌腫腫則脉脹急則舌腫強也

治舌腫強牛黃散方

牛黃三分甘草半兩人參半兩漢防

已參犀角屑一分羚羊角屑兩生乾地黃兩半

牛蒡子半兩微炒心

右件藥擣細羅為散入牛黃研令勻每服三錢以水一中盞煎至六分利滓不計時

候溫服

治腹中虛熱舌本強直口吻兩邊痛舌上有

瘡嚙食不得宜服柴胡散方

柴胡二兩 川升麻二兩 梔子人兩 赤芍藥二兩

木通二兩 黃芩一兩 大青一兩 杏仁半兩

湯去皮石膏二兩

右件藥擣篩為散每服五錢以水一大盞

入生薑半分煎至五分每於食後溫服

治舌忽然硬腫逡巡塞悶殺人宜服此方右

取釜底上炷煤和塩等分細研為末表裏

塗舌良久消差○汞類鈐方硬腫悶塞釜

底上炷煤和塩等分為末塗之赤小豆末

醋調塗重舌亦可以鉞刀刺之血出愈

又方嚴氏濟生方澹寮方名蒲黃右以烏賊

魚骨蒲黃澹寮方等分搗羅為末每用少許

塗舌上差

治舌卒腫起如吹脬滿口塞喉須臾不療即

煞人宜用此方右以指衝決舌下兩邊皮

亦可以鉞刀破之出血復刺舌下兩邊脉
血出數升及燒鐵筋烙之數過絕其血又
以釜底墨和酒調塗舌上下卽差

治舌暴腫宜搽藥方

乾薑壹分半夏一分湯洗
七徧去滑

右件藥擣細羅爲散每用少許搽在舌上
以差爲度

治口舌乾燥諸方

夫手少陰心之經也其氣通於舌足太陰脾

之經也其氣通於口腑藏虛熱熱氣乘心脾
津液竭燥故令口舌乾燥也診其右手寸口
脉名曰氣口以前脉沉爲陰手太陰肺之經
也其脉虛者病苦少氣不足以息咽乾無津
液故也又右手關上脉浮爲陽足陽明胃之
經也其脉虛者病苦唇口乾又左手關上脉
浮爲陽足少陽膽之經也其脉實者病苦腹
中滿飲食不可咽乾燥也
治心胃中客熱唇口乾燥或生瘡杏人散方

杏人一兩湯浸去皮尖麥門冬一兩心赤茯

苓一兩黃連一兩去鬚梔子一兩黃芩一兩地骨皮

犀角屑三分甘草半兩炙薔薇根一兩大

黃一兩碎微炒

右件藥搗篩為散每服三錢以水壹中盞

入淡竹葉十四片煎至六分去滓每於食

後溫服

治風熱口中乾燥舌裂生瘡宜服菰蘆根散

方

菰蘆根三分牛黃一分白殭蠶半兩白鮮皮

半兩子芩一分滑石一分胡黃連一分川大黃一分

微炒

右件藥搗細羅為散人牛黃研令勻每服

不計時候煎淡竹葉湯調下二錢

治心脾壅熱口舌乾燥兼煩渴牛黃丸方

牛黃三分細研黃連二分黃芩一分芎藭一分川大

黃二分微炒梔子一分馬牙消一分麥門冬

一兩半兩甘草一分朱砂一分麝香一分

一錢
細研

右件藥搗羅為末同研令勻鍊蜜和擣三百杵丸如彈子大每於食後及夜臨臥時煎竹葉湯研下壹丸

解壅毒退風熱治口舌乾燥甘露丸方

寒水石 二斤燒令通赤攤於地上出毒一宿 鉛霜 叁分 馬牙

消 三兩 龍腦 叁分 甘草 一分 炙 微赤到

右件藥搗羅為末再入乳鉢內研令極細用糯米飯和丸如彈子大每於食後以新

汲水磨下半丸

治口舌乾燥煩熱宜服甘草丸方

甘草 叁分 炙 微赤到 人參 叁分 去 蘆頭 麥門冬 壹兩 半

烏梅肉 叁分 炒 菰蘆根 叁分 寒水石 兩

右件藥搗羅為末鍊蜜和丸如彈子大每服含一丸燕津

治口舌熱乾燥生薑煎丸方

生薑汁 壹合 甘草 半兩 炙 微赤 棗膏 壹合 蜜 五合

杏人 一兩 湯浸去皮尖雙

右件藥以慢火煎令稠丸如雞頭實大常

舍壹丸嚙津

又方川升麻半兩甘草半兩黑豆五十枚杏五枚

人雙半兩湯浸去皮尖

右件藥搗羅為末入白蜜五合生地黃汁

五合以慢火煎成膏丸如雞頭實大常含

一丸嚙津○嚴氏濟生方杏人膏治口舌

熱乾燥或舌上生胎語言不真升麻杏仁

去皮甘草一兩黑豆五十粒石為細末入

白蜜五合生地黃汁五合慢火熬成膏子

圓如雞頭大常含一圓嚙津舌上生胎止

用生薑片蘸冷水擦洗之亦妙澹寮方同

治上焦煩熱口舌乾燥心神頭目不利宜服

舍化丸方

石膏半斤細研寒水石半斤研白蜜半斤

右件藥以水四大盞煎取一大盞半懸濾

過入蜜同煎令稠丸如雞頭實大常含一

丸嚙津

又方麥門冬汁五合○備預密合棗肉叁十
 右件藥相和內甕瓶中於飯甌上蒸一炊
 久取出每服一茶匙含嚥津

治口吻瘡諸方

夫足太陰為脾之經其氣通於口足陽明為
 胃之經手陽明為大腸之經此二經脉並夾
 於口其腑藏虛為風邪濕巢氏病源所乘氣
 發於脉與津液相搏則生瘡恒濕爛有汗世
 謂之肥瘡亦名鷺口也

治口吻生瘡杏人散方

杏人壹分湯浸去皮 鈔霜半 麝香少許

右件藥先研杏人令細次入鈔霜麝香研
 令勻用少許傅瘡上差

又方亂髮燒灰壹分 故絮燒灰壹分 黃連末壹分 乾薑末壹分

半

右件藥細研為末每用少許傅瘡上不過

三四度差

又方黃連壹分去鬚 膩粉半

右件藥都研令勻每用少許傅瘡上差

治口吻惡瘡黃連散方

黃連壹分 乾薑半分
去鬚 炮裂

右件藥搗羅為末每用少許傅瘡上不過

三上差

又方以楸樹葉炙乾碾為末用傅瘡上差

又方用黃蘗以蜜塗炙碾羅為末傅瘡上效

治口吻生白瘡宜用此方右用檳榔二枚燒

灰細研傅瘡上立差

又方右用人中白和少許麝香同研令細傅瘡上差

治唇瘡諸方

夫脾與胃合足陽明之經胃之脉也其經起於鼻環於唇其支脉入絡於脾脾胃有熱氣發於唇則唇生瘡也

治唇瘡方右取東壁土細研傅之瑣碎錄 備預百

要方 同

又方右取搃鼓湯浸一宿後漉出爛研塗之

備預百要方同

又方右取人麻子燒灰細研用井華水調塗

之備預百要方同

又方右取白礬燒灰細研和胡粉傅之

又方右取葵根燒灰細研傅之備預百要方同

吐

治緊唇瘡諸方

夫脾與胃合胃為足陽明其經脉起鼻環於唇其支脉入絡於脾胃脾胃有熱氣發於唇

則唇生瘡而重被風邪寒濕之氣搏於瘡則微腫濕爛或冷或熱乍瘥乍發積月累年謂之緊唇亦名瀋唇也

治緊唇瘡久不差塗硫黃膏方

硫黃壹分細研 白礬壹分細研 朱砂壹分細研 水銀壹分 麝香壹分細研 黃礬末

右件藥和水銀於堯鉢中研用臘月猪脂和如泥先拭唇令淨然後以膏塗之

治緊唇瘡疼痛不可忍胡粉膏方

胡粉叁分黃連叁分甘草壹分麝香壹錢

右件藥搗羅為末用臘月猪脂調令得所

每以少許塗於瘡上

治脣緊面腫宜用此方右用馬齒菜搗取汁

塗之備預百要方同立差

治緊脣宜用此方右取綠糝於熨斗內熬候

沫盡研為末醋調塗於帛子上貼之至來

日去却藥安葱白皮瘡上以火炙油木梳

熨之不過三上差

又方右以故青布緊卷燒令燃於斧上柱取

汗出拭取塗之兼治脣黑腫痛痒

治脣口生瘡宜用此方衛生易簡方治口瘡并風疔

晚蠶蛾一分

右碾為末每取少許傅瘡上差○是齋醫

方治口瘡原蠶蛾末傅之瑣碎錄同

治脣黑腫疼痛不可忍塗藥方右以蛇蛻皮

燒灰細研用生油調塗之

又方右以蟹肚底白皮燒作灰細研傅之

又方右取鯉魚血磨黑塗之

治唇生腫核諸方

夫宅陽明為胃之經其支脉環於唇入絡於脾然脾胃為表裏也脾胃有風熱邪氣乘之而衝發於唇與血氣相搏則腫結外為風冷乘其結腫不消則成核也

治唇上生惡核腫由脾胃風熱壅滯獨活散

獨活叁分川升麻二分沉香叁分桑寄生叁分連翹

犀角屑叁分漢防已叁分川大黃叁分剉廿

草半兩剉微赤

右件藥搗篩為散每服三錢神方二錢萬全以

水壹中盪煎至六分去滓不計時候温服

治風熱在脾胃唇生腫核結聚不散升麻散方

川升麻兩白斂叁分玄參叁分木通叁分羚羊

角屑叁分漏蘆叁分射干叁分木香叁分犀角屑叁分

川大黃一兩剉微炒黃耆叁分枳殼半兩剉炒

雞子清調塗貼於

甘草半兩次三分湯浸去皮尖杏仁雙人麩炒微黃

右件藥擣篩為散每服五錢以水一大盞煎至六分去滓不計時候溫服

治唇生腫核塗貼方

松脂半兩川大黃一分白歛一分赤小豆一分胡粉一分

右件藥搗細羅為散以雞子清調塗貼於

上神巧萬全方同

治脾胃熱毒唇上生結核腫痛松脂膏方

松脂兩白膠香兩薰陸香兩蠟兩當歸末

兩甘草末兩猪脂兩羊腎脂兩生地黄汁兩

合半

右件藥先以慢火煎脂令沸次下松脂白膠薰陸香蠟候銷濾去滓入地黄汁更煎令稠去火然下藥末和攪令勻貯於瓷合中每用少許塗貼唇上

又方用刀鋒決破核出却惡血差

治唇口面皴諸方

夫唇口面皴者為寒時觸冒風冷冷折腠理傷其皮膚故令皴劈經絡之氣諸陽之會皆在于面其脉有環唇夾於口者若血氣實者雖勁風嚴寒不能傷之虛則腠理開而受風邪故得風冷而皴劈也又冬時以煖湯洗面及向火外假熱氣動於腠理而觸風冷亦令病皴也

治脾熱唇焦枯無潤澤宜服生地黄煎方

生地黄汁升半 生天門冬汁升半 萎蕤兩二 細辛兩二

壹汁草壹兩 芎藭壹兩 白朮兩二 生麥門冬兩二

心黃耆壹兩

右件藥細剉篩裏酒浸壹宿以猪脂二斤煎令藥色焦黃篩濾去滓內鍋中然下地黃天門冬汁熬令稠薨器中盛每服不計時候含嚙半匙

治唇面皴宜用此方

蠟兩半 羊脂兩半 甲煎壹兩 紫草兩半 朱砂兩半 研細
右件藥先將蠟於銅鍋中微火煎稍鎔下

羊脂煎壹沸次下甲煎紫草朱砂等更煎
三兩沸絲濾去滓以竹筒貯之候凝任意
使用

大全本草

勝金方治口瘡衆療不效膽礬半兩入銀墻
子內火煨通赤置於地上出火毒壹夜細
研各取少許傅瘡上吐漿水清涎甚者一
兩上便差

外臺秘要療唇舌忽生瘡雞舌香末以絲裹

含之差

葛氏方治舌上出血如針孔取豉三升水三
升煮之沸去滓服一升日三

三因方

唇病證治

唇者脾之候也意舍之所榮燥則乾熱則裂
風則瞶動寒則揭氣鬱則生瘡血枯則瀦而
無色治之之法內則隨證調其脾外當以藥
付之

清脾湯治意思過度蘊熱於脾口乾唇燥瀝裂無色

青芪 香白芷 升麻 人參 甘草

半夏 湯去滑 等分

右為剉散每服四錢水壹盞半姜五片棗二个小麥三十粒煎七分去滓不以時服

經驗秘方同

羌活散治風濕入脾致唇口瞶動翳揭頭疼目眩及四肢浮腫如風小狀 經驗秘方名羌青散

羌活 兩 茯苓 薏苡仁 各一兩

右為末每服二錢水一大盞煎七分入淡竹瀝壹匙許再煎服

菊花圓治脾肺氣虛憂思過度榮衛枯耗唇裂瀝緊或口吻生瘡容色枯頹男子失精女子血衰悉主之○醫方大成治脾肺氣虛上盛痰壅唇口折裂舌上生瘡

甘菊花 枸杞子 肉蓯蓉 酒浸洗切 巴戟 去心

各等分

右為末蜜丸梧子大每服三五十九大成每服

五十米湯下得效方同醫方集成南北經

易簡方與大成同

青灰散治脣緊燥裂生瘡面無顏色

青布燒灰

右研細以猪脂調夜傅睡簡易方同澹軒方頭上厚傅亦

得一法以頭垢傅之

凡瀋唇緊唇上生瘡唇裂並以甲煎傅之

彌效

口病證治

夫口乃一身之都門出入榮養之要道節宜

微爽病必生焉故熱則苦寒則鹹宿食則酸

煩燥則澁虛則淡疸則甘五味入口藏於胃

脾行其精華分布津液於五臟臟氣偏勝味

必偏應於口或勞鬱則口臭凝滯則生瘡不

可失眠失眠則愈增

龍石散治上鬲壅毒醫方大成集成南北經驗方袖珍方永類鈐方

作蘊熱口舌生瘡咽噎腫痛

寒水石煨去辰砂二錢半生腦子半字

袖珍方易簡方半錢

右為末以少許搽患處嚥津日夜數次用

小兒瘡疹攻口先以五福化毒丹方見小兒門疹

痘掃却用此藥搽得效方經立效○直指

方治口舌生瘡喉間腫痛寒水石燒紅朱

砂六錢腦半右為細末日三五次搽

赴筵散治口瘡疼痛

五倍子一山洗○得效方澹寮方小嫩者

驗方袖珍方永類鈴方衛生易簡方五味子嫩者黃蘗蜜塗炙滑石各半兩○

右研細末每服半錢許搽患處嚥津不妨

便可飲食是齋醫方此下云俱無妨礙甚奇

綠雲膏嚴氏濟生治口瘡臭氣瘡爛久而不

差醫方集成同

黃蘗半兩○醫方大成南北經驗方袖珍方永類鈴方衛生易簡方半錢螺

青二錢

右研細臨卧置一字濟生方在舌下不妨

同 嚙津遲明差一法以銅綠易螺青得效方 澹寮方

兼金散治蘊毒上攻或下虛邪熱病口醫方大成

集成南北經驗方補珍方永類鈔方壽域神方衛生易簡方口舌生瘡

細辛神方黃連各等

右為末先以熟水搵帛指淨搽藥患處良久涎出吐之

杏粉膏治口瘡以涼藥傅之不愈者

杏人十粒皮尖輕粉一字

右研杏仁細調勻臨卧傅瘡上少頃吐之

勿嚙得效方同

生香膏治口氣熱臭

甜苾子去殼

右一味研細蜜熬少許調成膏食後含化或傅在齒間一方用香附子炒去毛為末每早晚搽少許牙上

舌病證候

舌者心之官主嘗五味以榮養於身資於脾

以分布津液於五臟故心之本脉係於舌根
 脾之絡脉係於舌傍肝脉循陰器絡于舌本
 凡此三經或為風寒濕所中使人舌卷縮而
 不能言或憂怒思恐所鬱則舌腫滿而不得
 息心熱則破裂生瘡肝壅則出血如湧脾閉
 則白胎如雪諸證雖異治之各有方
 升麻柴胡湯治心脾虛熱上攻舌上生瘡舌
 本強頰兩邊腫痛

柴胡 升麻 芍藥 梔子仁 木通 各

黃芩 大青 杏仁 各三分
去皮尖
 各二分 石膏 煨 二
分

右咬阻每服四錢水壹盞姜五片煎七分
 去滓食後服 經驗秘方同

金沸草散治風寒傷於心脾令人增寒發熱
 齒浮舌腫

荆芥穗 兩 旋伏花 前胡 麻黃 各
去節
 甘草 赤芍藥 半夏 各一兩
浸七次
 右咬阻每服四大錢水一盞半姜七片棗

二個煎七分去滓嗽口吐一半喫一半世
醫用此發散傷風傷寒及加杏仁五味子
治咳嗽皆效獨未知治舌腫牙疼辛未年
有人患舌腫如吹滿塞其中粥藥不入其
勢甚危大煎壹劑乘熱以紙籠氣熏之遂
愈經驗秘方同又壹婦人牙疼治療不差致口
頰皆腫亦以此藥熏漱而愈故特記之
薄苛蜜治舌上生白胎乾澀語話不真

薄苛自然汁 白蜜等分

右先以生姜片澹寮方蘸水揩洗竟傳之
良經驗秘方同得效方措洗竟用朱砂雄
黃鵬砂腦麝為末傳之良未效更加玄
粉明

文蛤散治熱壅舌上出血如泉

五倍子洗白膠香 牡礪粉各等分

右為末每用少許搽病處或燒鐵篦熟烙

孔上得効方經驗秘方同

凡失欠頰車蹉但開不能合以酒飲之令大

醉睡中吹藥搗其鼻直指方通噤透即自

正

衛生十全方

治口角瘡爛不乾川燕窠泥為末乾摻即愈

治口吻邊生瘡浸淫不較朱氏集驗方得效方名立效散衛生

易簡方治口舌生瘡以檳榔燒存性為末入少水銀

粉簡易方集驗方醫方大成集成南傅之

即愈○直指方白爛檳榔燒存性和少輕粉

研傅得效方檳榔火煨為末入輕粉用飯

甌經驗良方此上滴淚調傅瘡上立效

治口中生瘡

膽礬半斤入銀窩中火煨五倍子去虫淨

錢通紅出火毒一夕洗用一

右同為細末每用少許傅口瘡上吐出清

涎便較

又方黃蘗皮去籠了用蜜塗炙四五次截小

片含之王氏集驗方即差

神巧萬全方

治緊唇方燒青竹斧上取汗傅之立差

助道方治口瘡熱腫連喉中

口瘡發熱腫連喉白法醫之病不瘳擣細自然頻蘿蔔汁吐涎頻漱病難留

咽喉口瘡之病皆因邪熱薰於上焦腫痛不已但用蘿蔔擣細汁頻嗽吐涎用之甚

妙

是齋醫方

泊宅編云一士人無故舌出血仍有小穴名

醫耿隅曰此名舌衄炒槐花朱氏集驗方得効力澹寮

方居家必用為末傅之而愈○經驗秘方治舌衄

徽州路吏官清之親效新瓦焙陳槐花香

熟山火毒為細末乾摻之簡奇方同經驗良方

舌無故出血名衄右炒槐花為末地上出

火毒傅之愈又生香需多用細嚼止

治口氣

香白芷錢七甘草五寸

右為細末食後井花水調下一錢瑣碎錄事林廣

同記

治口瘡

朴硝一錢寒水石南人謂之軟石膏者火煨過壹兩○得效方經驗良方一

右同研極細入少朱砂和令桃紅色傅嚙下不妨如嫌味苦加草細末醫方大成集

方袖珍方衛生易簡方同

治老人虛人小兒口瘡咽痛朱氏集驗方得效方名茶葉散

經驗秘方名龍茶膏

地龍去土吳茱萸去浮者炒

右等分爲末米醋入生麪集驗方得效方生麪調塗

足心吳內翰之孫初生而患口瘡用此方

神效

治口瘡牙痛華陰細辛根極幹者爲末傅之

治口瘡張珣方

五倍子去蛙末揀淨不拘多少螺兒青十分五倍子之一

右爲細末拌勻白口瘡先以薑汁漱口了

傅藥赤口瘡先以淡醋湯漱口了傅藥

治口瘡蔡司理方

白礬 各為末 去黑皮用 蜜炙焙乾

右以黃蘗末壹錢白礬末半錢二味和勻
每用藥少許傅之先吐去苦水如藥力盡
再傅少許唐仲舉母用黃蘗皮末青黛等
分拌勻傅之吐去涎再傅即愈

又方傅公實傳

五味子 生甘草 各一兩 麥門冬 青苗 取四寸許

利四兩 焙乾

右為細末蜜調塗舌上若以蜜元如雞頭

大含化不得麥門冬須取去近根壹寸許
白者只用青苗却將近根白者漱灌

正舌散治中風舌本強難轉語言不正神妙

蝎梢 去毒一分 茯神木 剉微炒 龍腦薄苛 焙乾

右同為細末每服一二錢温酒調下 得效

後或以擦牙頰間亦得 經驗秘

治舌腫脹一味好鵬砂為細末用薄批生薑

蘸藥指舌腫處少時即退 且指方得効方

同方 澹軒方經驗良

治重舌上戴妨礙

直指方舌腫大方經驗新良方舌腫滿口不能聲

真蒲黃羅細數傅之吐去又傅立消李莫

安撫內子夜半忽不能言燭之乃舌下生

一舌上戴急取外臺檢得此方五七傅即

愈○得效方新蒲黃為細末數傅之吐去

又傳凡五七次愈亦治舌腫滿口不能聲

傅之立安澹寮方有士人沿汴東歸夜泊

村步其妻熟寐撼之不聲又撼之方起視

之舌已滿口不能出聲急訪醫得一叟負

囊而至用藥摻比曉復舊問之乃蒲黃一

味須真者佳本事方

治重舌禹錫姪

五靈脂一兩去砂石為細末

右用米醋壹人盃瑣碎錄經驗同煎逐旋

嗽口立安得效方澹軒方事林廣記山居四要同

瑣碎錄

口瘡方

治口瘡用五疳保童元臨睡水化傅之

口唇生熱瘡以水調茱萸末搽脚心壹夕即愈

治口瘡呵子黃蘗燒灰存性入輕粉麝香糝

之嚙亦不妨事林廣記同

又方用白礬枯二錢朱砂壹錢同研極細乾

糝小兒用生白礬為末水調攤紙上貼脚

心才貼再以水濕動

又方天南星一枚生薑自然汁磨塗脚心立

愈

治口舌生瘡杏仁七箇人皮尖輕粉少許同

嚼吐去涎即愈澹軒方事林廣記山居四要同

又方砂糖一塊吞化即愈

大人小兒口瘡事林廣記山居四要口舌生瘡醋調天南星

末塗脚心或茱萸末塗之亦可男左女右

口氣方白礬枯為末入麝香青塩各少許搯

了吐少涎事林廣記同又舍川芎少許亦佳

舌衄方

舌間出血仍有小穴名曰血衄炒槐花為末

抹之不若陳倉米愈久者愈妙炒為細末
糝之即止累試之有驗

舌上出血燒亂髮灰水服壹錢亦治吐血經

秘方簡寄方亦治吐血下血

又方豉壹合水壹椀煮數沸温服壹盞亦治

下血經驗秘方簡寄方同

又小豆壹合為末水三盞和攪汁飲之經驗秘方

同

又乾地黄壹兩膠半兩炒為末湯下三錢日

三服經驗秘方簡寄方同

炒槐花治舌衄真蒲黃治舌腫並乾糝之屢

驗

治木舌以半夏醋煎灌漱吐即差事林廣記同

簡易方

必用方綠雲散治口瘡臭氣瘀爛久而不差

得效方名青黛散

黃栢半兩為末青黛二錢〇得效方一錢

右同研臨臥置一字安舌下嚥津不妨經驗

良方 遲明差 凡口瘡不可失眠失眠則

愈甚 一方以銅絲易青黛

治口瘡外舅蔡醫博秘方 朱氏集驗方得縮效方名獨勝散

砂殼 火煨末 摻口內瘡上即安 ○醫方大成

治口瘡 衛生易簡方 用縮砂不拘多少火

煨為末摻瘡即愈 南北經驗方醫方

貼足方治小兒口瘡不能吮乳者蜜隨僧 細研

釀醋調塗兩足心瘡即洗去凡小兒口瘡

宜用絹帛蘸生薄荷水拭口內妙

定齋濯足法治下虛上壅口舌生瘡白礬末

川湯化以濯足即愈 得效方同

清脾湯治唇燥瀟裂無色 方見三因方

醫方類聚卷之七十六